

成實論

才十二

四百十五  
二二

50857



成實論卷第十二

訶梨跋摩造

姚秦三藏鳩摩羅什譯

雜煩惱品第一百三十六

問曰經中說三漏欲漏有漏無明漏何者是  
答曰欲界中除無明餘一切煩惱名為欲漏  
色無色界有漏亦如是三界無明名無明漏  
問曰諸漏云何增長答曰以下中上法故漸  
次增長又得色等勝緣故諸漏增長問曰是  
三漏云何說為七漏答曰實漏有二種見諦  
斷是諸漏根本思惟斷是諸漏果五助漏因  
緣合為七即此煩惱佛隨義故說三漏四流  
四縛四取四結等問曰四流欲流有流見流



無明流何者是。荅曰：除見及無明餘欲界一切煩惱是名欲流。色無色界有流亦如是。諸見名見流。無明名無明流。問曰：流中何故別說見流。漏中不說耶。荅曰：外道多爲見所灑流是故流中別說以能灑沒。故名爲流。能繫三有故名爲縛。問曰：四取欲取見取戒取我語取何者。是荅曰：無我故但取是語名我語。取若人有我見即生二邊是我。若常若無常若定言無常則取五欲以無後世故深著現在樂。若定言常鈍根者則取持戒望後世樂。小利根者作如是念若神是常則苦樂不變。則無罪福故起邪見如是。但因我語故生四

取問曰四結貪嫉身結瞋恚身結戒取身結  
貪著是實取身結何者是答曰貪嫉他物他  
人不與則生瞋心以鞭杖等是在家人闍諍  
根本亦名隨樂邊若人持戒欲以此戒而得  
清淨即謂是實餘妄語是見則隨是出家人  
諍訟根本亦名隨苦邊五陰名身是四結要  
須身口成故名爲身結又有人言是四法能  
繫縛生死故名爲結問曰五蓋貪欲瞋恚睡  
眠掉悔疑是事云何答曰人貪著諸欲故瞋  
恚隨逐如經中說從愛生恚及嫉妬等煩惱  
鞭杖等惡業皆以貪欲故生是人身心爲貪  
恚所壞多事疲勞則欲睡眠是人睡眠小息

貪恚還來散亂其心不得禪定心隨外緣故  
生掉戲不淨業人心常憂悔以散心悔心故  
心常生疑有解脫不如王子語阿夷羅曰沙  
彌問曰何故名蓋荅曰貪欲瞋恚能覆戒品  
掉悔能覆定品睡眠能覆慧品有人爲除此  
蓋故說是善是不善是人於中生疑爲有爲  
無此疑成故能覆三品是五蓋三法力強故  
獨名爲蓋二蓋力薄故二法合成又此二蓋  
生因緣俱是故合說睡眠因緣五法謂單致  
利不喜頻申食不調心退沒掉悔因緣四法  
謂親里覺國土覺不死覺憶念先所戲樂言  
笑是名生因藥亦同故睡眠以慧爲藥掉悔

以定為藥覆亦同故二合為蓋此五法或是  
蓋或非蓋欲界繫不善名為蓋餘不名蓋五  
下分結貪欲瞋恚戒取以墮下故名為下分  
如持牛戒成則為牛不成則入地獄疑障離  
欲身見是四根本是名為五又以貪恚故不  
出欲界身見不出我心戒取不出下法疑不  
出凡夫又貪欲瞋恚故不過欲界若過還為  
所牽餘三不過凡夫故名下分五上分者掉  
戲壞禪定故心不寂滅是掉戲隨取相故憍  
慢生是取相心從無明生故有色染無色染  
此五結學人以中為上行故名上分是五結於  
學人心中說不為凡夫問曰掉戲何故於色

無色界說名為結欲界中不說耶荅曰彼中  
無塵煩惱故掉戲明了又此掉戲於壞定有  
力故說為結斷此上分則得解脫有人色無  
色中生解脫想為遮此故說有上結五慳者  
住處慳家慳施慳稱讚慳法慳住處慳者獨  
我住此不用餘人家慳者獨我出入此家不  
用餘人設有餘人我於中勝施慳者我於此  
中獨得布施勿與餘人設有餘人勿令過我  
稱讚慳者獨稱讚我勿稱讚餘人設讚餘人  
亦勿令勝我法慳者獨我知十二部經義又  
知深義秘而不說問曰是五慳有何等過荅  
曰是住處等多人共有是人既捨自家於共



有中更生慳恡是弊煩惱又此人於解脫中  
終無有分所以者何是人於共有法尚不能  
捨何況能捨自五陰耶又此人墮餓鬼等諸  
惡處生又此人以利養覆心則生憍慢輕餘  
善人故墮地獄又壞他施故若得人身則爲  
貧窮又以慳心斷施者功德受者施物故得  
重罪若慳恡法得盲等罪所謂生育及多怨  
中生不得自在退失聖胎三世十方諸佛怨  
賊往來生死常爲愚癡善人遠離離善人故  
無惡不起惡名三種惡惡大惡惡中惡惡名  
殺盜等大惡名自殺亦教人殺自慳亦教人  
慳惡中惡名自恡法亦教人恡法是人恡法

令多人墮惡亦是滅佛法道如經中說住處  
慳有五過未來善比丘不欲令來已來則頻  
蹙不喜念欲令去藏僧施物於僧施物生我  
所心家慳有五過以貪著家故則與白衣同  
其憂喜斷白衣爲福受者得施斷此二故即  
生此家爲廁中鬼施慳有五過常乏資生  
二人利訾毀善人心常憂惱稱讚慳有五過  
聞讚餘人心常擾濁於百千世常無淨心呵  
毀善人自高己身卑下他人常被惡名又一  
切慳恣有斯過謂積聚多物畏怖大衆多人  
增惡心常擾濁身常孤煢生下賤家如是無  
量是五慳過五心栽疑佛疑法疑戒疑教化

若有比丘爲佛及諸大人所稱讚者是人則以惡口讒刺是名爲五疑佛者作如是念佛爲大富蘭那等爲大耶疑法者佛法爲勝遠隨等爲勝耶疑戒者佛所說戒爲勝雞狗等戒爲勝耶疑教化者阿那波那等教法爲能至泥洹不讒刺者以瞋恚心無畏敬心侵惱善人是人以此五法敗壞其心不任種諸善根故名心栽問曰是人何故於佛等生疑荅曰是人不能多聞是故生疑若多聞者疑則薄少又此人愚癡無智不知分別佛法異法是故生疑又此人於法不能得味是故生疑又不聞不讀韋陀等經聞人稱讚故生貴心

又是人世世邪疑徧多。心常濁故於佛等疑。如佛侍者蘇那利多羅。又此人與多邪見人。共同事業故。今生疑。又此人讀誦韋陀和伽羅那等邪見經故。壞正智慧是。故生疑。又此人於諸法義喜生邪念。不能得造經者意。是故生疑。又此人始終不能得自利功德。以此緣故於佛等生疑。五心縛。若人不離身欲。故貪著身不離五欲。貪著欲。又與在家人和合於聖語義。中心不喜樂。得少利事。自以為足。是中四縛。因貪欲起。若人不離內身欲。故於外色等欲中生著。是故樂與兩眾和合。以樂憤內。故於聖語義示寂滅法中心不喜樂。

是故於持戒多聞及禪定等少利事中自以  
爲足以貪著此少利事故忘失大利智者不  
應貪著小事以妨大利是人若離八難得人  
身難故應一心勤加精進又凡夫法不可信  
也若離此具足因緣或有餘緣終不復能得  
入聖道又不貪小利則能得出家果報亦死  
時不悔亦能自利利他又此人於功德中尚  
不貪著何況惡法故名正行又凡夫過咎所  
不能染問曰何謂凡夫過耶荅曰經中說凡  
天應二十種自折伏心應作是念我但形服  
異俗空無所得我當以不善而死當墮大怖  
畏海當之畏處不知無畏處亦不知道不得

禪定數受身苦難離八難怨賊常隨諸道皆  
開未脫惡道常爲無量諸見所縛於五逆罪  
未能防制無始生死未有邊際不作不得罪  
福善惡不得相代不爲善法終無安隱所作  
善惡終不忘失我當以不調至死是二十法  
所不能汗又所應作者是人已作故心不悔  
若貪著者則不能成在家及出家法是故不  
應貪著小利

七使問曰諸煩惱何故名使荅曰生死相續  
中常隨衆生故名爲使猶如乳母常隨小兒  
如瘡病未脫如負債日息如鼠毒未除如熱  
鐵黑相如穀子芽如自要奴券如斷事證人

如智慧漸積如業常集如炎相續如是次第  
相續增長故名爲使問曰是使爲心相應爲  
不相應荅曰心相應所以者何所說貪等使  
相是諸使相與喜相應若喜心不相應是事  
不然是喜若在樂受中名爲貪使又貪名染著  
心不相應中無染著義故知諸使與心相應問  
曰不然諸使非心相應所以者何經中說小  
兒婬心尚無況能婬欲亦爲欲使所使又說  
不思不分別亦有緣識住故又經中說身見  
斷時諸使俱斷又聖道煩惱不得一時是故  
聖道生心不相應使斷若不尔者聖道何所  
斷耶又若無心不相應使凡夫學人若在善

心無記心時便應是阿羅漢又使爲纏因從  
使生纏得纏使則熾盛故知諸使非心相應  
又若人在善無記心亦名有使若無心不相  
應使者何故名有使耶故知諸使非心相應  
荅曰不然汝言小兒無欲亦有貪使是事不  
然小兒未得除貪藥故貪欲未斷故爲貪使  
使如鬼病人雖不發時亦名鬼病人所以者  
何以其未得呪術藥草斷病法故亦如四日  
瘧病雖二日不發亦名瘧病人亦如鼠毒未  
瘥除故雷聲則發如是於何心中未得除使  
藥故名爲不斷餘問亦已摠荅汝言不思不  
分別亦有緣識住故者亦以未斷使故汝言



身見與使俱斷者汝以纏為心相應未生時亦斷使亦如是雖聖道時無亦名為斷以得相違法故汝言道與煩惱不一時者亦以未斷故說言有汝言凡夫學人若在善無記心應是阿羅漢者阿羅漢已斷此人未斷故如人不受斷肉法雖不食肉不名斷肉又有無明邪念邪思惟等故所未斷煩惱則生阿羅漢無此因故不同餘人又汝言得纏使則熾盛是事不然諸煩惱以下中上法故熾盛非得纏故汝言人在善無記心名有使者亦以未斷故名有使以是等緣故知貪等諸使非不相應八邪道邪見乃至邪定以不如實知

顛倒見故名爲邪見乃至定問曰正命邪  
命不離身口業何故別說答曰邪命出家人  
所難斷是故別說邪命者以諂誑等五法能  
得利養故曰邪命取要言之諸出家人所不  
應作資生之業謂王使販賣治病等業及所  
不應取衆生錢穀等若取皆名邪命又毗尼  
所制以此自活皆名邪命如經中說優婆塞  
不應五種販賣問曰何以濟命答曰如法乞  
求以此活命不應邪命所以者何以心不淨  
毀壞善法不任修道故又行道者應作是念  
入佛法中爲行道故不爲活命是故樂善法  
者應行淨命又比丘應任比丘法中若行邪

命非比丘法

九結品第一百三十七

愛等九結問曰何故於諸見中別說二取荅  
曰戒取難免離故猶如浮木入迴瀆中難可  
得出是人亦尔作是念我以是持戒當生天  
上爲此故受投淵赴火自墜高等種種諸苦  
又世間人於戒取中不見其過故佛說爲結  
又依此戒取能捨八直聖道又此非正道非  
清淨道名隨苦邊又戒取是出家人縛諸欲  
是在家人縛又戒取者雖復種種行出家法  
空無所得又戒取者今不得樂後受大苦如  
持牛戒成則爲牛敗則墮地獄又因此戒取能

謗正道及行正道者又戒取是諸外道起憍  
慢處作如是念我以是法能勝餘人又以戒  
取故九十六種有差別法又戒取是麁見故  
多衆生行智慧道微妙難見世間不知行之  
得利又此見能牽人心故愚癡者多行此法  
又此名重惡見以逆正道行非道故見取者  
所以貪著邪法不能捨離是見取力又以見  
取力故諸結堅固問曰帝釋問經中何故但  
說天人有慳嫉二結荅曰是二煩惱最是鄙  
弊所以者何見他衆生飢渴苦惱以慳心故  
不能矜濟見從他得亦生嫉妬心懷惱熱以  
是因緣墮貧賤醜陋無威德處又釋提桓因

是二結偏多數來惱心故佛爲說又此三結  
是重罪因緣所以者何因此二結起重惡業  
故又三毒中貪恚能起重罪貪恚盛故起此  
二結又此二結能惱男女又難捨離所以者  
何若深修善心乃能永斷嫉妬深修布施然  
後盡斷慳心以不見業報而能捨所重物是  
爲甚難如人見子得勝己事心尚難喜況於  
怨賊以此二結依憎愛故深難除斷以此業  
緣故佛獨說

雜問品第一百三十八

論者言一切煩惱多十使所攝是故當因十  
使而造論十使者貪恚慢無明疑及五見問

曰十煩惱大地法所謂不信懈怠妄憶散心  
無明邪方便邪念邪解戲掉放逸是法常與  
一切煩惱心俱此事云何荅曰先已破相應  
但心法一一生是故不然又此非道理何以  
知之或有不善心與不善信俱或有不善心  
而無信精進等亦是故知非一切煩惱心  
中有此十法又汝說睡掉在一切煩惱心中  
是亦不然若心迷沒尔時應有睡不應在戲  
掉心中有如是等過問曰欲界中具十煩惱  
色無色界除瞋餘殘一切是事云何荅曰彼  
中亦有嫉妬等何以知之經中說有梵王語  
諸梵言汝等勿詣瞿曇沙門汝但住此自得

盡老死邊是名嫉妬有嫉妬故亦應有瞋又  
經說梵王捉一比丘手牽令出衆謂言比丘  
我亦不知四大何處無餘盡滅如是以諂曲  
心誑諸梵衆是名諂曲若言我是尊貴造万  
物者是名憍逸如是等彼間亦有如是等惡  
煩惱故當知亦有不善有論師言若貪父母  
及和上阿闍梨等是名善貪貪他物等名不  
善貪若不爲損益他人名無記貪瞋不善法  
及惡知識等是名善瞋若瞋善法及瞋衆生  
名不善瞋若瞋非衆生物名無記瞋若依慢  
斷慢是名善慢輕他衆生名不善慢無明等  
亦如是又論師言若善不名煩惱問曰欲界

身見說名無記所以者何若身見是不善一切凡夫皆生我心不可令盡墮地獄故說無記是事云何荅曰身見是一切煩惱根本云何名無記耶又此人墮為他人說有神我亦時云何當名無記邊見亦如是問曰若轉人邪見令墮疑中此人是不善耶荅曰此人非是不善所以者何寧墮疑中不入邪定問曰有人言欲界繫煩惱一切能使欲有相續色無色界繫亦如是是事云何荅曰但愛能令諸有相續以先喜後生故又說愛為苦集亦說愛樂飲食貪欲等故隨處受生邪見等中無如是義經中雖說慢因緣生亦先慢後愛故



生瞋亦如是故知皆以愛故諸有相續問曰  
諸煩惱中幾見諦斷幾思惟斷荅曰貪恚慢  
無明二種見諦斷思惟斷餘六但見諦斷問  
曰學人亦有我心故知不示相身見分學人  
未斷荅曰是慢非見見名示相問曰有人言  
慳嫉妬悔諂曲等但思惟斷是事云何荅曰  
是皆二種亦見諦斷亦思惟斷何以知之如  
尼延子等見佛弟子得供養故生嫉妬心是  
嫉妬見道則滅故知見諦所斷有人先於佛  
弟子慳惜不施得見道故便能施與是慳則  
見諦斷如蘇那利多羅等悔亦見諦斷如須  
陁洹墮地獄等因緣及第八世受身諂曲等

亦見諦斷問曰諸煩惱幾見苦斷幾見集滅  
道斷幾思惟斷答曰先說見諦所斷六使四  
種見苦斷見集滅道斷餘四使五種問曰身  
見邊見但見苦斷戒取二種見苦見道斷是  
事云何答曰諸煩惱實見滅諦時斷是故身  
見等不應但見苦斷又身見於四諦中謬五  
陰無常從因緣生我非無常不從因生五陰  
有滅而我無滅道與我見相違法是故身見  
四種所斷邊見亦四種斷所以者何行者見  
苦從集生則滅斷見見由道得滅則滅常見  
戒取亦四種有因有果是故見苦時知戒是  
苦不以此得淨是見苦斷知戒是苦因不以

此得淨是見集斷以邪見謗泥洹謂以此見  
得淨是見滅斷以此謗道是見道斷如見取  
依邪見故四種戒取亦應如是問曰若尔者  
不名九十八使荅曰諸使隨地斷不隨界故  
不限九十八也問曰貪慢及除邪見餘四見  
皆三根相應除苦根憂根瞋恚亦三根相應  
除樂根喜根無明五根相應邪見疑四根相  
應除苦根瞋覆罪慳嫉但憂根相應是事云  
何荅曰先已破無相應故後當說五識中無  
煩惱故又汝法中貪喜根相應慳則不尔是  
無因緣慳是貪分故如是憍慢不與憂根相  
應亦無因緣故知汝等所說皆自憶想分別

問曰有人言見苦所斷五見疑及貪恚慢不  
相應無明及集諦所斷邪見見取疑及貪恚  
慢不相應無明是名遍使餘非遍此事云何  
荅曰一切是遍所以者何一切皆共相因相  
緣故又於己邪見中生貪所謂無苦乃至無  
道貪著此見而以自高若聞說苦則生憎恚  
又此貪能緣滅諦瞋亦能憎恚泥洹亦以泥  
洹生自高心道亦如是當知餘使亦有能遍  
又欲界繫煩惱能緣色界如以貪喜樂以瞋  
憎惡以彼法自高亦以之為勝非欲界也如  
欲界煩惱能緣色界見等煩惱亦能緣  
欲界果無色界亦如是又此煩惱皆能摠相

別相所以者何貪亦能摠相染四天下又長  
爪經說一切忍是貪一切不忍是瞋一切不  
忍是貪一切忍是瞋亦以此煩惱自高是煩  
惱皆能起身口業所以者何經中說生如是  
見說如是事謂有神等又此一切煩惱皆在  
第六識中五識中無所以者何想行第六識  
故一切煩惱皆從想生若不介身見等亦應  
在五識中所以者何以眼見色謂我能見疑  
慢等亦如是問曰經中說六愛衆云何言五  
識中無煩惱耶荅曰如六意行皆在意識中  
但以眼等開導故名六意行是事亦介又意  
識中所有分別因緣五識中無故知五識中

無煩惱也

斷過品第一百三十九

問曰有人言諸煩惱九種下中上下下中下上中下中中上上下上中上上智亦九種是煩惱先斷上上後斷下下以下下智斷上上煩惱乃至以上上智斷下下煩惱是事

云何荅曰以無量心斷諸煩惱所以者何經中佛說譬如巧匠手執斧柯眼見指處雖不能分別日日所盡若干分數但見盡已乃能知其盡比丘亦亦修行道時雖不分別知今日所盡若干諸漏昨日所盡若干分數但盡已乃知漏盡故知以無量智盡諸煩惱非八非

九問曰依止何定斷何煩惱荅曰因七依處能斷煩惱如經中佛說因初禪漏盡乃至因無所有處漏盡又離此七依亦能盡漏如頌尸摩經中說離七依處亦得漏盡故知依欲界定亦得盡漏問曰見諦所斷煩惱不應依無色定斷以此行者壞色相故荅曰是事先荅謂無色定能緣於色問曰為先從初禪次第離欲至二禪等為一時耶荅曰應當次第以離初禪欲生二禪等故問曰欲界中亦有次第耶荅曰諸煩惱念念滅故亦應次第又如炎摩天抱則成欲堯率隨天執手成欲化樂天以口說成欲他化自在天相視成欲當

知欲界煩惱亦漸次盡有人言以福德因緣於彼中生不以斷煩惱故以所欲妙故成有差別又根鈍故抱乃成欲根轉利故視則成欲問曰有人言思惟所斷煩惱漸次斷先欲界繫後色無色界繫見諦所斷則一時斷是事云何荅曰隨諦所斷而實一切煩惱見滅諦斷是事先說所謂見諦所斷身見等煩惱皆見滅諦斷從暖法來以無常等行觀五陰相始斷煩惱見滅乃盡問曰觀欲界繫苦能斷欲界結集亦如是如欲界乃至非想非非想處亦如是觀欲界滅能斷三界結道亦如是是事云何荅曰滅智能斷煩惱是故汝說



不然問曰經中說觀五陰無常等故得須臾  
恒果乃至阿羅漢果汝云何言但觀滅諦斷  
煩惱耶荅曰是觀五陰智生滅合觀故能斷  
結使如經中說比丘觀是色是色集是色滅  
又當說見法識法則煩惱斷可知見滅諦故  
諸煩惱盡又五陰是苦於中生諸煩惱若見  
五陰滅以爲寂滅安隱如是則苦想具足故  
知見諸陰滅則煩惱盡如說因諸法無體性  
依一捨心斷無體性即是滅若行者見色無  
體性乃至識無體性則深得離又三解脫門  
皆緣泥洹以此解脫門能斷煩惱無餘方便  
故知但無爲緣道能斷煩惱是故汝所說斷

煩惱法是事不然論者言諸煩惱有如是等  
無量分別門以求解脫者應當知所以者何以  
知是縛過故得解脫如人識怨故能遠離如  
知嶮道故能得避煩惱亦如是又煩惱縛甚  
為微細過於毗摩質多羅阿修羅王縛乃至  
有頂衆生常為煩惱縛是故應知其過又衆  
生乃至有頂猶還退墮皆以不能見知煩惱過  
故又不斷結故生增上慢自謂已斷後則疑  
悔是故應知諸煩惱過勿為所誑又若衆生  
捨離淨妙泥洹之樂反貪鄙弊欲樂有樂皆  
是諸煩惱過若斷煩惱則得大利故應知見  
諸煩惱過又障解脫法所謂煩惱若不斷煩

惱終無解脫因緣所以者何諸煩惱是身因緣隨煩惱有身隨身有苦是故欲求離苦者應勤精進斷諸煩惱

明因品第一百四十

問曰煩惱爲身因緣是事應明所以者何有諸外道不信此事或言是身無因無緣猶如草木自然而生或言萬物是大自然等諸天所生或言万物從世性生或言微塵和合故生說如是等是故應明答曰從業有身是事先成是業從煩惱生故以煩惱爲身因緣問曰云何知因煩惱有業答曰隨假名心名爲無明假名心者能集諸業故知煩惱因緣有

業又阿羅漢諸業不集不成故知諸業由煩惱成如經中佛說若人得明捨離無明是人能起罪業福業無動業不不也世尊又無無漏業故知但隨假名者能起諸業無漏心不緣假名故不起業也又學人無行如經說學人還而不行滅而不作作相是行行名爲業又無漏心非行相故無無漏業是故一切諸受身業皆因煩惱生又斷煩惱者不復受生故知有身皆因煩惱問曰一切衆生皆以無煩惱生後時乃起如人生時無齒其後乃生答曰不然有煩惱者隨所有相謂啼哭等生時現有故知皆與煩惱共生又現見衆生多

生廁等中不生。磐石等中當知貪著香味等。故於是中生。故知由煩惱生。問曰：地獄等中不應得生。所以者何？無人貪樂。地獄等故。答曰：衆生以癡力故，顛倒心生。將命終時，遙見地獄，謂是華池。以貪著故，則於中生。如經中說：若人迨肉中死，欲得寬處，於鳥中生。若渴死者，生爲水虫。若凍死者，生熱地獄中。熱渴死者，生寒冰地獄中。若貪著姪欲，生鳥雀中。若貪飲食，則生爲死屍中虫。又因所貪著故，造諸惡。諸惡因緣強，受果報。又貪著身故，諸業能生果報。所以者何？貪著己身，愚癡力故。憍慢等諸煩惱生。從此能集成業，以業力故。生

諸道中問曰若以煩惱因緣有身斷煩惱者  
五陰不應復得相續答曰是身本由煩惱故  
生煩惱雖盡以勢力故身猶不斷如以杖轉  
輪雖暫廢杖轉猶不止問曰若以先業煩惱  
勢故有身斷煩惱者以先業煩惱勢故亦應  
受身答曰要以取相故識能住是人先業勢  
盡今善修無相解脫門故不受後身又如熱  
石上諸種不生如是以智慧火熱諸識處則  
識種不生後相續斷又諸行因緣不具足故  
不復相續如經中佛說識為種子業行為田  
貪愛為水無明覆蔽以此因緣則受後身阿  
羅漢是緣不具故無後身當知煩惱因緣受

生又無煩惱者有知苦等心今受生者不見  
有此等心故知無煩惱者不能受生問曰須  
陀洹等有苦等心而生時亦不見有答曰諸  
阿羅漢智慧力強一切煩惱不能勝故將命  
終時能障受生須陀洹等智力不尔故不應  
爲喻又汝說如齒後漸漸生煩惱亦尔是事  
不然所以者何諸阿羅漢無漏智慧燒煩惱  
故不應得生如焦種子不能復生又現見今  
世從煩惱生身如從貪欲身色變異瞋恚亦  
尔故知後世五陰亦從煩惱生問曰亦見從  
飲食等因緣有五陰生而不名飲食爲受身  
因緣答曰飲食假心能生色等煩惱不尔更

無所假而生色等故知煩惱爲身因緣又現見鳥雀等多欲毒虵等多瞋睹等多癡當知此諸衆生必當先修集此婬欲等諸煩惱故於是中生問曰生處法亦非先修集煩惱因緣荅曰若介則婬欲等無因是事不可當知從先修集因緣故有又貪恚等煩惱熾盛則爲殺等諸罪以此罪故現受鞭杖繫縛等苦煩惱若薄則得持戒修善等利因此戒善現得名聞利養等樂如現世衰利皆因煩惱故知來世亦當如是問曰若因煩惱有身則斷生死往來所以者何以煩惱盛故墮惡道中旣受罪身煩惱更增永無脫因如是不應得



生善處若受福身為福轉增則亦不應復生惡處如是則無生死往來荅曰是人雖墮惡處或得善心雖生善處或起惡心是故生死往來不斷又隨貪等煩惱減少隨生好處隨貪等多隨生惡處如睹犬等隨滅煩惱生善處者如以煩惱薄故能行布施持戒等福生六欲天斷婬欲故得勝禪樂斷色染故得勝定樂一切結盡則得無比泥洹樂故知此身因煩惱有又現見衆生樂弊國土及諸惡人弊止住處皆由貪著故知生死中衆生所住亦由貪著如蛾貪明色故為燈所焚是貪著不從智生所以者何此蛾不知火是苦觸故投

其中如是衆生墜後身苦皆以無明因緣貪  
愛故生如魚吞鈎麀鹿逐聲皆以貪著故致  
死又如人以貪著故遠到異方而不能反當  
知皆以煩惱故生又如樹根不拔其樹猶生  
如是貪根不拔苦樹常在如佛說樹根不拔  
雖斷猶生貪使不拔數數受苦又是身不淨  
無常苦空無我自非無明何有智者貪受此  
衰苦猶如盲人可以垢衣誑爲寶飾如是爲  
無明所盲則能受多過患不淨五陰又以我  
心故受身雖苦而不能捨若無我心則能遠  
離如舍利弗說清淨持戒得道者死時歡喜  
猶破毒器故知煩惱因緣有身又有以無智故

貪著此身如以畫篋盛滿不淨隨未開時則  
可愛樂開則臭穢又如毒蛇滿閤室中燈未  
照時則生樂著見則捨離衆生亦尔隨有無  
明則樂世間若生明時心則厭離如是貪愛  
爲身根本所以者何以貪愛故求求有二種  
欲求有求求現在諸欲是名欲求更求後身  
是名有求故知貪愛現在諸欲是名欲求更  
求後身是名有求故知貪愛是身之本又若  
著五陰則生身見謂言是我名我語取因  
取故生餘三取取因緣有有因緣生當知煩  
惱是身根本又是身皆苦於此苦身生樂想  
倒以此樂倒則生倒愛以此倒愛能受後身

故知貪愛因緣有身。又此身以食因緣故住。著搏食故。不過欲界。如業品中說貪香味故。廁等中生。以著觸故。胞胎中生。著溫涼觸故。卵生濕生。俱不過欲界。因界觸生三種受。故說觸因緣受意思食。亦如是發後身願。我當作此無見知識。為食愛本能致後身。如是四食皆由貪愛。一切衆生皆以食存。故知愛因緣生。又四生卵生胎生濕生化生。以愛婬欲故。卵生胎生貪香味等。故受濕生隨其所愛。故起殷重業。則愛化生。故知四生差別皆由貪愛。又四種受身有能自殺。他不能殺。如是等四皆以貪愛差別。故有故。知貪愛因緣有

身又四識處隨色識住依色緣色以喜爲潤  
受想行亦如是而不說識是識處以識時無  
煩惱故故知煩惱因緣有身又十二因緣皆  
由無明所以者何隨假名心名爲無明因此  
無明起福行罪行及不動行欲安樂衆生是  
名福行苦惱衆生是名罪行攝心慈悲等名  
爲不動行隨此諸業識住後身依識生名色  
六入觸受此四是先世業煩惱果報復因此  
受生愛取有是業煩惱能生後世生老死等  
如是十二有分相續皆以無明爲本故知煩  
惱因緣有身又生死無始何以知之經中說  
從業因緣有眼等根因愛有業因無明有愛

無明因邪憶念邪憶念還因眼緣色從癡故  
故故知生死輪轉無始若說因自在天等則  
非無始是事不可故知煩惱因緣有身又滅  
盡煩惱則得解脫又衆生身種種雜類若因  
自在等則不應雜以煩惱業有多種故身亦  
非一又二十二根因六根生六識是中有男  
女根是諸法相續不斷故名爲命是命以何  
爲根所謂業也是業因於煩惱煩惱依受故  
以五受爲根如是展轉生死相續依信等根  
能斷相續如是二十二根往來生死故知皆  
以煩惱有身又求解脫者生戒定慧解脫解  
脫知見品此何所用皆爲滅諸煩惱知者見

其利故依此諸品故知煩惱因緣有身又諸  
煩惱次第滅盡斷三結得須陀洹果貪欲等  
薄得斯陀含果欲界結盡得阿那含果諸禪  
定中亦如是次第一切盡得阿羅漢果如是  
隨諸煩惱次第滅故身亦漸滅若因自在天  
等則不應漸滅故知煩惱因緣有身又貪等  
煩惱諸善人皆求斷滅必當見貪等因緣今  
世後世得衰惱事是故求斷若不尔則不求  
斷若人說身因自在等是人亦求斷貪欲等  
故知貪欲等因緣有身又智者知以智慧而得  
解脫可知以無智故縛故知煩惱因緣有身  
又佛說處經中說貪喜盡故得正解脫所以

者何眼色等不名為縛貪喜為縛破貪喜故  
心得正解脫正解脫心能入泥洹故知煩惱  
因緣有身又以空無相無作而得解脫故知  
煩惱因緣有身所以者何觀諸法空即無相  
可得以滅相故不願後身是故以空名解脫  
門相違則縛以此等故由煩惱有身是事已  
明集諦聚竟

成實論卷第十二

二

鈍

徒困反

調戲

上徒帶亦作掉

慳悒

上口間反下良刃反

弊

吐祭

反頻

蹙

上正作

下子六反

廁

初使反

孤煢

下音瓊

讒刺

上助

含

反下賜反

憤

上俱下開字

券券

二同願反

販賣

傾

販賣

上方



万 迥 復 上正作 涸 鄙 弊 上 美 反 碑 矜 濟 上 陵 反 居 謬 幼 苗

反 斧 柯 下上音 甫 哥 迕 丙 上音 責 喝 死 上於 歇 反 覆 蔽 音上

祭 副 下必 膳 猪 二同 張 如 反 麋 鹿 章 上音 筐 盛 上音 下音 成

搏 食 上音 團 胞 胎 上必 交 反



